



[www.BibleForChildren.org](http://www.BibleForChildren.org)



Genesis 6




Eghaghanir kam, a Noan  
eghaghanim. An otarir 3pla iti,  
men ziabar kara: Siem, Ham  
ko Jafet. Noa Godin damazimin  
bar gumazir aghuim, egha  
gumazamizibar damazibar  
dera.




Egha a dughiaba bar Godin  
boroghin ikiava a ko roroam  
gami. God garima arazir kuram  
bar nguazim avara. Ezi a gari  
gumazamizir aghuaritam itir pu.  
Puvati. Gumazamiziba bar

arazir kurabaram  
amua iti.




Kamaghin, God kamaghin Noa migia  
ghaze, "Gumazamiziba bar uariv soghava  
orazir puvatizir arazim gami, ezi nguazir  
kam arazir kuram bar a gizifa.

Kamaghin, ki nguazir kam sara,  
me gasighasighasa."




“Ki gumamaziba bar me agivaghti, me ua ikian kogham. Kamaghin, ni temer aghuiba abighiva ua bagh kurir tamın ingarigh.

Egh an averimin danganitabar ingarighva koltan an averiam ko azenim aghefegh.”




Ni kurir kam  
kamaghin an  
ingar: An ruarim 130  
mitan tughti, an baravim  
22 mitan tugh, eghti an  
siriam 13 mitan tugh.




“Egh ni uan amuiroghboriba  
ko asizibagh nighnigh,  
dagher guar avriba bar da  
isi kurim darikigh.”




Egh ni asiziba vaghvagh pumuning pumuningin me ini,  
amebar mam ko apurir mam. Egh me ovengan  
koghsi da inigh kurimin aven mangi.




Egh ni asizir nan damazimin zuezir  
igharagha Gariba vaghvagh,  
7plan amebaba ko 7plan apuriba  
inigh.




Egh asizir nan damazimın zuezir  
puvatizir igharagha gariba, ni  
vaghvagh amebam ko apurimra  
inigh, kurimın aven mangi.






Dughiar kam,  
Noa uan amuim  
ko, an otariba  
uan amuiba ko,  
aperiam otogh me  
gasighasighan koghasa,  
me kurimin aven ghue.





Dughiar kam Noa 600plan  
azeniba iti, ezi azenir kamin  
iakir namba 2in, dughiar  
namba 17in, nguazim akam  
akarizima, dipar nguazimin  
averiamin itir ekiam  
akariagherigha zuamiram anabo.  
Ezi amozim izaghira mati me  
dipam fufusi.





Ezi amozir ekiam 40plan  
arueba ko dimagaribar  
izaghira mamaghira iti.




Ezi dipam nguazim gisin  
sivaghsivagha ghuavanadima  
kurim a gisin deravira iti.




Ezi nguazim gisin dipam sivaghsivagha  
ghuavanagavira ikia mighsjar overiamin apengan itiba  
bar ada ave. Ezi nguazimin itir bizir angamira itiba bar  
ariaghire.



Ezi dughiar kamin God Noa ko asizir a  
ko kurimin itiba gin amadazir puvati, a  
me ginighnighavira ikiava aminim  
amadazi a dipam gisin ivaima dipam  
sivagha uaghiri.




Ezi 40plan dughiaba givazima, Noa kurimin  
windua kuigha, kuarazir ziam



kotkot


amadazima, a ghugha ua  
izezir puvati. A migha  
aruavira ikiav itima dipam  
dakezi nguazim misingi. Ezi  
Noa foghasa, nguazim misingis,  
o puvati. Egha kamaghin, kuarazir  
ziam bunbam amadazima,  
a zui.




Egha ghua iakinir namba 2in, namba 27in dughiam  
otozi, nguazim bar misingi. Ezi God Noa migia  
ghaze, “Ni, uan amuim ko, nin otariba  
uan amuiba ko, ia kurim ategh  
magiri.”




Egha Noa Ikiavira Itir Godin ziam fasa ofa damuamin  
danganir mamin  
ingari.



Egha Godin damazimin zuezir asizir guar avriba,  
dar vamira vamira  
inigha, kuarazir  
Godin damazimin  
zueziba dar vamira  
vamira inigha dav  
suegha God bagha  
ofa gami. Egha da  
tuezi da bar isigha  
mighiri.





Egha God ghaze,  
“Kî arazir kam  
akaghtî, ia ganigh  
fogh suam, kî Akar  
Dikirîzir Gavgavim ia  
ko, bizir angamîra ia ko  
itiba,


ko ian gîn otivamin  
boriba, kî ia bagha  
bar a gamigha gifa.  
Ezî arazir kam kamakîn, kî  
ababanim ian akagha,  
overiamîn pin ekianim atî.”



"Kar nan  
ababanim, a ghaze,  
Akar Dikirizir  
Gavgavir ki nguazimin  
itir biziba bagha amizim,  
a ikivira ikiam. Eghti ki  
amozim amadaghti a izeghti

an gin ghuariar ekiaba  
ikivira ikiti, dughiar  
kamin ekianim  
overiamin otogham."






“Eghti ki an ganigh  
uan Akar Dikirizir  
Gavgavir, bizir  
angamira itiba ko ia  
bagha amizim a  
ginighnighvira ikiam.

Eghti bizitam ua  
kamaghin otivan  
kogham, aperiataam uam  
nguazimin angamira itir  
bizibagh asighasighan  
kogham.”




Dughiar kamin, God  
arazir aghuim Noa uan otariba ko,  
me damuasa kamaghin me migia  
ghaze, “Ia borir aviriba batiti, ian  
adarazi nguazir kam bar a  
gizivaka. Kar Noan otarir  
3plan a ko kurimin  
ikegha

azenan izezibar  
ziaba: Siem, Ham ko, Jafet.”



“Ezi Hamin otarimin  
ziam, Kenan. Ezi Noan otarir  
3plan kabanang, me datirighin  
nguazim gizivazir gumazamiziba  
bar men ovaviba.”



God Otarir  
bar vamira iti. Egha  
God nguazimin itir gumazamiziba,  
bar me gifonge. A kamaghsua,  
gumazamiziba bar nighnizir gavgavim  
an Otarimin ikiva ovengan kogh,  
zurara itir ikirimirir aghuarim iniam.  
Bizir kam bagha an Otarir bar  
vamiran kam me  
ganingi.



Rom 3:23 Gumamaziba bar moghira arazir kuram gamigha, Godin angazangarimin saghon ikia an aven mangan ibura.

Rom 6:23 Guizbangira, arazir kuram ivezim isa uan ingangarir gumamazibagh aningi. Ivezir kam an ovevemra. Ezi God bizir aghuarir pura e ganingizimra kara, zurara itir ikirimirir aghuarim. Ikrimirir kam, e uan Ekiam Krais Iesus ko poroghava a isi.

Hibru 9:27 Gumaziba bar dughiar vamiran ovegh egh gin Godin kotiamin otivam.

Efesus 2:8,9 Ia nighnizir gavgavim Godin itima, a uan apangkuvimin tuavimra ian akurvasi. Kar ia uari amizir puvatizir bizim. Puvati.



God pura ia ganingi. Kar ian ingarimin ivezim puvati.  
Kamaghin bizir kam bagh gumazitam uabi uan  
ziam fan marki.

Rom 10:9,10 Ni uan akamin kamaghin mikim suam, "Iesus  
a nan Ekiam," egh uan navir averiamin aven nighnizir  
gavgavim iki, kamaghin fogh, God Iesus gamizi a mozimin  
ua dikafi, eghti God nin akurvaghti, ni ikivira ikiam. E fo, ni  
navir averiamin nighnizir gavgavim Iesusin ikiti, God suam,  
ni nan damazimin dera. Egh uaghan ni uan akatorimin  
suam, "Iesus nan Ekiam," eghti God nin akuraghti,  
ni ikivira ikiam.

Jon 3:16,17 "God Otarir bar vamira iti. Egha God nguazimin  
itir gumazamiziba, bar me gifonge. A kamaghsua,  
gumazamiziba bar nighnizir gavgavim an Otarimin ikiva  
ovengan kogh, zurara itir ikirimirir aghuarim iniam. Bizir  
kam bagha an Otarir bar vamiran kam me ganingi."



“God uan Otarim nguazimin gumazamizibar jasin min me tuisighasa anemadazir puvati. A men akurvaghasa anemada.”

1 Jon 5:11-13 God ikrimirir aghuir zurara itim e ganingizi, e fo, migirigiar kam, a guizin migirigiam. Godin Otarimin poroghav itir tuavimin, e ikrimirir aghuir kam iti. Gumazamizir Godin Otarimin poroghav itiba, me ikrimirir aghuir zurara itim isi. Gumazamizir Godin Otarimin poroghav itir puvatiziba, me ikrimirir aghuir zurara itim isir puvati. Ia nighnizir gavgavim Godin Otarimin ziamin itiba, ia ikrimirir aghuir zurara itim iniasa, ki fuegha, kamaghin ki bizir kaba ia bagha da osiri.



# Jenesis 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Aruamu Bible (msy) © 2020 Pioneer Bible Translators This  
work is licensed under the Creative Commons Attribution  
Share-alike 4.0 license.

<https://www.bible.com/en-GB/bible/3007/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

